



Participants dall'Irlanda, dall'Irlanda dil nord, dalla Svizra e dalla Palestina, dil project «construir e destruir mirs», en Israel.

FOTOS INDRAMARIA DECURTINS

Jamna interculturala ad Israel e Palestina

DAD INDRAMARIA DECURTINS

■ La tiara sontga ha ina gronda muntada per treis dallas pli grondas religiuns dil mund, il cristianissem, il giudaism ed igl islam. Per in'jamna ei giuventetgna oriunda da tschun differentas tiaras vegnida ensemen, per empender d'encunuscher in l'auter, durant viver e luvrar cumineivel. Dasperas ha ei dau la pusseivladad da visitar marcaus cun gronda muntada per la situaziun politica e la religiun. Quei ha buca mo dau la pusseivladad da discussiunar sur da nossas culturas differentas, mobein era sur da conflicts grevs e las religiuns ch'ei per part la basa da quels conflicts.

Israel ei ina tiara ch'ei bia ellas novitads pervia dil conflict cun Palestina. Quei conflict marscha schon dapi decennis ed ha pliras raschuns. Per gronda part va ei pervia dalla tiara sezza e la muntada dils marcaus sogns. Ei dat regiuns, per exempel a Gaza, ni certs marcaus el West Bank, omisdus regiuns da Palestina, che vesan pliras attaccas ni consequenzas dil conflict, che parts dad Israel. Durant quell'jamna ha ei dau la pusseivladad da visitar marcaus sco Betlehem e Jerusalem. Impressiononts ei il mir staus a Betlehem. Il cunfin che sparta il West Bank dad Israel fuorma per la gronda part mo ina seiv normala. En certs loghens dat ei denton era in grond mir, aschia sco a Betlehem. Il mir ei aschi gronds sco quel da

Berlin era, cun maletgs e messadis da graffiti dalla gliued sezza, mo era maletgs politics digl artist renomau Banksy. La gronda part dils messadis cloma per l'avertaziun dil cunfin ed ina fin dil conflict. Sil mir eis ei mess in fldirom cun spinas per che la gliued sappi buca surmuntar il mir.

Hebron, dall'otra vart, ei in marcau el West Bank nua ch'ils fastitgs dil conflict semuossan ualti fetg. Politicamein eis ei in marcau spartiu en duas zonas, la zona H1 controllada dils Palestines e H2 per la gronda part dils Israelits. Ella zona H2 ha ei giu consequenzas per la gliued che viva leu, oravontut per ils Palestines. Aschia dat ei en quella zona vias ch'ei serradas per Palestines. Enamiez il marcau dat ei cunfins enferrai cun guardias da cunfin ch'ei tuttatas armadas.

Quei ei aschia per la «segirtad» dils Israelits che stattan en schinumai «settlements», buca lunsch naven da quell'as vias.

Sco turist ston ins mussar ils passaports al cunfin da quell'as vias. Tut zanza ein schuldaus che sguardan, omisdus mauns sin in'arma aschi gronda ch'ieu hai aunc mai viu en mia entira veta.

Ins survegn in grond respect per quella schuldada ed jeu hai sentiu en quei mument miu cor a batter ualti fetg. Per nus eis ei buca in problem da passar la duana. Ina collega da Palestina sto denton encurir in'otra via che nus per arrivar al

liug destinau. Tschella vart dil cunfin ei buca in paradisi. La via ei totalmeiv vita, dretg e seniester baghetgs che vesan o sco sch'els fussen stai vits sur plirs onns. Per quei che las vias eran serradas ei l'economia ida empaglia totalmeiv e l'infrastructura sco scolas ni spitals ei svanida, aschia che la gliued ha buca pli saviu viver leu. Ussa sesent'ins sco dad esser sin ina via da sperts bandunada.

Sper il conflict ei Israel, cullas regiuns da Palestina, ina bellezza tiara, cun tradas differentas.

El nord e sper la mar dat ei bia verd cun palmas ed oasas. El sid eis ei plitost desiart, ina cuntrada ch'ei era speciala. Era la gliued ei per la gronda part aviarta e toleranta.

Il project intercultural sez «construir e destruir mirs», organisau dall'uniun NaturKultur, ha giu liug el Kibbutz Lotan, el desiart Arava, pia el sid dad Israel. Kibbutzim vegnan colonias collectivas cull'idea communabla e la structura democratica numnadas en Israel. Ella tiara dat ei oz varga duatschien Kibbutzim. Il special tiel Kibbutz Lotan ei ch'igl entir Kibbutz marscha senza resursas persistentas e mo cun energia ecologica. Il project da NaturKultur emprova da colligiar la giuventetgna dall'Irlanda, dall'Irlanda dil nord, dalla Svizra, dad Israel e dalla Palestina. Il camp porscha la pusseivladad da vegnir, viver e luvrar ensemen, e d'empender d'encunuscher culturas e tiaras differentas. Aschia habitavan nus en in camp nua che l'electricitad vegneva producida a moda ecologica, ei deva tualettas senz'aua, tut che vegn cumpostau, grazia a sistems per dilapidar aua, mo era rumien. Aschia havein nus era giu la pusseivladad dad empender co baghegiar mirs cun resursas persistentas, cun nuot auter che tratsch, aua e strom. Tut il rumien ha sia muntada e vegn druvaus per baghegiar mirs ni schizun casas. La lavur cun ed ella natira dat in sentiment bunamein spiritual.

Israel e la regiun palestinesa han bia da porscher. Quei temps ha dau a nus la pusseivladad dad empender differentas lecziuns per la veta. Per l'ina eis ei stau ina lecziun impurtanta el viver pli ecologic e persistent en in mund nua che resursas necessarias per surviver, sco l'aua, van plaunsiu alla fin. Dall'otra vart havein nus empriu bia sur dil conflict che setila gia sur plirs decennis e sur dallas consequenzas per la gliued che viva leu, per ils Israelits ed era per ils Palestines. Ei resta mo da sperar ch'ei detti enzacu la caschun per la gliued che viva leu da far pasch e dad arver ils cunfins per ina veta en cuminonza e carezia proximala, sco quei che tuttatas treis religiuns perdeghechan.

Seminari da kick-off: «Messadi en buttiglia»

■ (GiuRu) La YEN (Youth of European Nationalities) è la pli gronda rait pertutgant las organizaziuns giuvenilas da minoritads europeicas. Mintg'onn han lieu trais seminaris differentes e quai mintgamai tar in'otra da quell'as minoritads. Suentar il seminari a La Punt l'onn 2013 vegn il seminari da kick-off quest onn puspè organisà da la GiuRu ed ha lieu en il Grischnun. Quai dals 11 fin ils 18 da favrer a Trin. Sper la collavuraziun cun la YEN vegn la GiuRu en l'organizaziun dal seminari sustegnida da la European Youth Foundation.

Il 2018 duess avrir in nov chapitel pertutgant la lavur da la giuventetgna da minoritads europeicas. Il seminari ha la finamira da rinforzar l'impurtanza da minoritads sin il nivel local e perquai è vegnida sviluppada l'idea dad in uschenumna «minority messenger» – in «curier da minoritads». In minority messenger è ina persuna che dera il messadi da minoritads en lur regiun en l'Europa tar autras minoritads u tar la maioritad. En ils lavuratori dal seminari duain las participantas ed ils participants empender las abilitads per gidar da metter enturn quella missiun. Pia

vegnan tractadas dumondas sco «Tge è empender intercultural ed educaziun nunfurmala? Co pon ins optimar las abilitads da comunicaziun, preschentaaziun ed evaluaziun? Tge dovri per d'entir in minority messenger, co pon ins motivar e sustegnair auters u crear agens lavuratori?». Sch'i gartegia da sviluppar ina rait da minority messengers en l'entir'Europa fiss quai sco ina grond'embratschada. En il senn simbolic munta quest'abilitad in «messadi en buttiglia» ch'ils minority messengers pon prender cun sai sin lur missiuns e per pudair trenar participantas e participants en seminaris futurs.

Sper ils lavuratori èn planisadas excursiuns sco per exempel ina visita a Cui-ra u ina party da tschaiver per la quala tuttatas e tuts pon purtar dultschims or da lur pajais.

Lalloschi da las participantas e dals participants durant quel temp è l'albiert per la giuventetgna renovà a Trin, là ha era lieu ils lavuratori differentes. La GiuRu sa legra da beneventar bieras persunas interessadas durant quests dis e sin il baraton enritgint! Per ulteriuras infurmaziuns pon ins gugent s'annunziar sut giuru@giuru.ch



La chasa Mesaglina entamez il vitg da Trin è la nova dimora dal center da guaud muntagnard – e per in'emna era la chasa d'albiert per minoritads europeicas.

MAD

Descripziun BI LAG

Wotsch assècher IL BI LAG chi unescha las avas fegnas di diverse sorgenti? Vuols seccar IL BI LAG che unescha las avas finas da diversas funtaunas? Vot setgantar igl bel lai tgi unescha las avas fegnas da diversas funtangas? Vusch sechantar il bel lai chi unescha las

avas finas da diversas funtanas? Vuoi prosciugare il bel lago che unisce le fini acque di diverse sorgenti? Veux-tu assècher le beau lac qui unit les fines eaux de diverses sources? Wotsch de schône See, wo d'fini Gwässer vu verschiedene Quellene vereint, uströhne?



Il grond mir che sparta il West Bank dad Israel.

